

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆՈՒ

« »

2010 թ.

№

ՈՐՈՇՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2009 ԹՎԱԿԱՆԻ ՆՈՅԵՄԲԵՐԻ 18-Ի №
37-Ն ՈՐՈՇՄԱՆ ՄԵԶ ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄՆԵՐ
ԿԱՏԱՐԵԼՈՒ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության
օրենքի 70-րդ հոդվածի 5-րդ մասով՝

Երևան քաղաքի ավագանին *որոշում է.*

1. Երևան քաղաքի ավագանու 2009 թվականի նոյեմբերի 18-ի «Երևան քաղաքի
վարչական շրջանների ղեկավարներին լիազորություն պատվիրակելու և
արտաքին գովազդի տեղաբաշխման (տեղադրման) համայնքային կանոնները
հաստատելու մասին» №37-Ն որոշման հավելվածում (այսուհետ՝ Հավելված)
կատարել հետևյալ փոփոխությունները և լրացումները՝
- 1) Հավելվածի 12-րդ կետի ե) ենթակետում «պատշաճ» բառը փոխարինել
«օրենքով սահմանված կարգով» բառերով, իսկ «լիազորված անձի անձը»
արտահայտությունը «լիազորված անձը» բառերով.
- 2) 19-րդ կետը լրացնել հետևյալ բովանդակությամբ.

«Առաջին անգամ անհամապատասխանություն հայտնաբերելիս
գովազդատուն (գովազդակիրը) գրավոր զգուշացվում է ողջամիտ ժամկետում
այն վերացնելու մասին: Սահմանված ժամկետում տեղ գտած թերությունները
չշտկելու կամ 2-րդ անգամ անհամապատասխանություն թույլ տալու
դեպքում գովազդատուն (գովազդակիրը) գրավոր կրկին զգուշացվում է դրանք
վերացնելու մասին: Երրորդ անգամ անհամապատասխանություն
հայտնաբերելու կամ տեղ գտած խախտումները սահմանված ժամկետում
չվերացնելու դեպքում գովազդատուն (գովազդակիրը) պարտավորեցվում է իր
միջոցներով ապամոնտաժել գովազդի միջոցը: Գովազդատուի (գովազդակրի)
կողմից գովազդի միջոցը չապամոնտաժելու դեպքում այն ապամոնտաժվում է
համայնքի միջոցներով, իսկ կատարված ծախսերը փոխհատուցում է
գովազդատուն (գովազդակիրը):».
- 3) 24-րդ կետում «սահմանված դրույքաչափի նոր վճարում» բառերը փոխարինել
«վճարում նոր դրույքաչափով» բառերով.

- 4) 25-րդ կետը շարադրել հետևյալ բովանդակությամբ. «Գովազդի տեղաբաշխման (տեղադրման) թույլտվություն ստացած անձը կարող է այդ թույլտվությունը փոխանցել այլ անձի՝ վարչական շրջանի ղեկավարի և Երևանի քաղաքապետարանի արտաքին ձևավորման և գովազդի վարչության համաձայնությամբ: Փոխանցումը կարող է տեղի ունենալ գովազդի տեղաբաշխման (տեղադրման) իրավունքը ձեռք բերելուց հետո 4 ամսից ոչ շուտ».
- 5) 26-րդ կետը լրացնել հետևյալ բովանդակությամբ.
«Գովազդատուն ունի իր գովազդի միջոցի տեղաբաշխման (տեղադրման) թույլտվության ժամկետի երկարաձգման նախապատվության իրավունք: Այդ նպատակով գովազդատուն (գովազդակիրը) մեկ ամիս առաջ դիմում է համապատասխան վարչական շրջանի ղեկավարին»:
- 6) Հավելվածը լրացնել 46-րդ կետով.
«46. Նշված կանոններին չհամապատասխանող գովազդի միջոցները ենթակա են համապատասխանեցման սույն կանոններին՝ մինչև 2011 թվականի դեկտեմբերի 31-ը: Նշված ժամկետում գովազդի միջոցները կանոններին չհամապատասխանեցնելու դեպքում դրանք ենթակա են ապամոնտաժման՝ սահմանված կարգով»:

Նախաձեռնության հեղինակ
Երևան քաղաքի ավագանու անդամներ՝

Գ. Գասպարյան

Պ. Փլավյան

ՏԵՂԵԿԱՆՔ– ՀԻՄՆԱՎՈՐՈՒՄ

Երևան քաղաքի ավագանու 2009 թվականի նոյեմբերի 18-ի №37-Ն որոշման հավելվածում փոփոխություններ և լրացումներ կատարելու անհրաժեշտության մասին

1. Հավելվածի 19-րդ կետում առաջարկվող լրացումը նպատակ է հետապնդում կանոնակարգել գովազդատուի (գովազդակրի) կողմից գովազդի միջոցում տեղ գտած անհամապատասխանությունները վերացնելու ընթացակարգը:
2. Հավելվածի 25-րդ և 26-րդ կետերում առաջարկվող փոփոխությունները և լրացումները նպատակ ունեն իրավունք վերապահել գովազդատուին (գովազդակրին) փոխանցել գովազդի տեղադրման համար ստացած թույլտվությունը այլ անձի, ինչպես նաև ընձեռել գովազդի միջոցի տեղադրման (տեղաբաշխման) թույլտվության ժամկետի երկարաձգման նախապատվության իրավունք:
3. Հավելվածը նոր՝ 46-րդ կետով լրացնելու առաջարկը պայմանավորված է այն հանգամանքով, որպեսզի տեղ գտած անհամապատասխանությունները վերացնելու համար գովազդատուներին (գովազդակիրներին) տրվի որոշակի ժամկետ:

Նախաձեռնության հեղինակ
Երևան քաղաքի ավագանու անդամներ՝

Գ. Գասպարյան

Պ. Փլավյան

ՏԵՂԵԿԱՆՔ

Երևան քաղաքի ավագանու 2009թ. նոյեմբերի 18-ի» №37-Ն որոշման հավելվածում փոփոխություններ և լրացումներ կատարելու առնչությամբ այլ իրավական ակտերում փոփոխություններ կատարելու անհրաժեշտության մասին

Երևան քաղաքի ավագանու սույն որոշման ընդունման առնչությամբ այլ իրավական ակտերում փոփոխություններ կատարելու անհրաժեշտություն չի առաջանում:

Նախաձեռնության հեղինակ
Երևան քաղաքի ավագանու անդամներ՝

Գ. Գասպարյան

Պ. Փլավյան